



სახელმწიფო აუდიტის სამსახური
შენობის მოწყობის სამუშაოების (CPV45400000) ელექტრონული
ტენდერის საშუალებით შესყიდვის
სატენდერო დოკუმენტაცია

ქ. თბილისი
2013 წელი

სარჩევი

1.	ინსტრუქცია ტენდერში მონაწილეთათვის	3
2.	საკვალიფიკაციო მოთხოვნები	4
4.	ტექნიკური დავალება	5
5.	სახელმწიფო შესყიდვის შესახებ ხელშეკრულების პროექტი	6
6.	დანართი N1	10
7.	დანართი N2 ფასების ცხრილი	11

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის, სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.2. ტენდერთან დაკავშირებული ყველა დოკუმენტი ან/და ინფორმაცია წარმოდგენილი იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.5. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6. პრეტენდენტს არა აქვს უფლება წარმოადგინოს ალტერნატიული წინადადება.

1.7. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში. ქ. თბილისი, ქ. წამებულის გამზირი № 96, საკონტაქტო პირი: ნუცა ჩოხელი. ტელ : +995 (32) 2438146; ტექნიკურ საკითხებთან დაკავშირებით საკონტაქტო პირი: ზურაბ ბაღაშვილი ტელ : +995 (32) 2438161.

2 საკვალიფიკაციო მოთხოვნები:

2.1. საკვალიფიკაციო მოთხოვნების თანახმად, პრედენდენტმა უნდა წარმოადგინოს შემდეგი დოკუმენტები:

2.1.1 იურიდიული პირებისათვის:

- ა) ცნობა, მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;
- ბ) ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯაროსამართლებრივი შეზღუდვის (ყადაღის) არარსებობის შესახებ.
- გ) ცნობა საგადასახადო ორგანოდან, ბიუჯეტის წინაშე დავალიანების არარსებობის შესახებ.

2.1.2. ფიზიკური პირებისათვის:

- ა) ნასამართლობის შესახებ ცნობა შესაბამისად უფლებამოსილი ორგანოდან, რომლითაც დასტურდება, რომ პირი არ არის ნასამართლევ.
- ბ) პირადობის მოწმობის ან პასპორტის ასლი;
- გ) ცნობა საგადასახადო ორგანოდან, ბიუჯეტის წინაშე დავალიანების არარსებობის შესახებ.

2.2. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემულ უნდა იყოს:

- ა) გამარტივებული ელექტრონული ტენდერის შემთხვევაში – სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე - 2 მუხლის პირველი პუნქტის „კ“ ქვეპუნქტის გათვალისწინებული ეტაპის შემდეგ“.
- ბ) ელექტრონული ტენდერის შემთხვევაში- სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყებამდე არა უგვიანეს ოცდაათი დღისა.

2.3. ამ პუნქტის 2.2. ქვეპუნქტით გათვალისწინებული ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიალურად დამოწმებული ასლები წარმოდგენილი უნდა იქნას მოთხოვნიდან არა უმეტეს 5 (ხუთი) სამუშაო დღეში. არარეზიდენტმა პრეტენდენტებმა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიალურად დამოწმებული თარგმანი ქართულ ენაზე.

2.4. პრეტენდენტის მიერ დაზუსტებული ტექნიკური დოკუმენტაციისა და საკვალიფიკაციო მონაცემების დამადასტურებელი დოკუმენტების წარმოდგენა შემსყიდველ ორგანიზაციაში ხდება სისტემის მეშვეობით.

3. ტექნიკური დავალება :

3.1. გამარჯვებულმა კომპანიამ უნდა უზრუნველყოს სახელმწიფო აუდიტის სამსახურის ადმინისტრაციული შენობის (მდებარე ქ. თბილისი წმინდა ქეთევან დედოფლის გამზ. №96) სარემონტო სამუშაოების ჩატარება (დანართით წარმოდგენილი სქემისა და ხარჯთაღრიცხვის შესაბამისად).

შენიშვნა:

ა) სამუშაოების შესრულებისას გამოყენებული სხვადასხვა მასალები, მოწყობილობები და დიზაინი უნდა იყოს მაღალი ხარისხის და შეესაბამებოდეს დადგენილ სტანდარტებს.

ბ) სამუშაოების შესრულებამდე ხარჯთაღრიცხვით გათვალისწინებული მასალების და მოწყობილობების გამოყენების საკითხი უნდა შეთანხმდეს შემსყიდველთან (ხარისხი, ფერი) აღნიშნული შეთანხმება შეიძლება განხორციელდეს როგორც წერილობით, ასევე მის გარეშე.

გ) მზრუნავი კარი ნაწარმოები უნდა იყოს ევროპის და ევროკავშირის ქვეყნებისათვის შესაბამისი სტანდარტებით. უნდა გააჩნდეს შესაბამისი წარმომავლობის და ხარისხის დამადასტურებელი სერტიფიკატი და არსებობდეს ქარხნული საგარანტიო პირობები.

3.2 პრეტენდენტის ტექნიკური დოკუმენტაცია უნდა შეიცავდეს სამუშაოს განფასებას. სატენდერო წინადადების ღირებულება უნდა მოიცავდეს ამ ტენდერით გათვალისწინებული სამუშაოს შესრულებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სისტემაში მითითებულ უნდა იქნას დღგ-ს ჩათვლით. ხელშეკრულების ჯამურ ღირებულებაში გათვალისწინებული იქნება გამარჯვებული პრეტენდენტის მიერ წარმოდგენილი სატენდერო წინადადების ფასი.

3.3. ანგარიშსწორების პირობები:

3.3.1. ანგარიშსწორება განხორციელდება მხოლოდ ხელშეკრულების დანართი #2- ხარჯთაღრიცხვით გათვალისწინებული სამუშაოების საბოლოოდ და სრულად დასრულებისა შემდგომ გაფორმებული შესრულებული სამუშაოების აქტის, მიღება - ჩაბარების აქტის და საგადასახადო ანგარიშ-ფაქტურის (იმ შემთხვევაში, თუ მიმწოდებელი არ არის დღგ-ს გადამხდელი, მის მიერ წარმოდგენილი უნდა იქნეს ცნობა საგადასახადო ინსპექციიდან დღგ-ს არგადამხდელის შესახებ) წარდგენის საფუძველზე.

3.3.2. წინასწარი ანგარიშსწორების პირობები არ განიხილება.

3.4. ხარჯთაღრიცხვა

3.4.1. პრეტენდენტმა უნდა წარმოადგინოს ხარჯთაღრიცხვა დანართი N2-ის მიხედვით.

3.4.2. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

შენიშვნა: იმ შემთხვევაში თუ პრეტენდენტი არ არის დღგ-ს გადამხდელი სატენდერო წინადადების ფასი წარმოდგენილი უნდა იქნას დღგ-ს გარეშე.

3.5. სამუშაოს შესრულების ვადები და ადგილი :

სამუშაოს შესრულება უნდა განხორციელდეს ხელშეკრულების გაფორმებიდან 5 კვირის ვადაში, შემდეგ მისამართზე: ქ. თბილისი, ქეთევან დედოფლის გამზ. №96.

3.6. შესყიდვის ობიექტის სავალდებულო საგარანტიო ვადები და პირობები:

ა) შესყიდვის ობიექტის საგარანტიო ვადა უნდა იყოს მინიმუმ 1 წელი.

ბ) საგარანტიო ვადის განმავლობაში მომწოდებელი ვალდებულია შეტყობინების მიღებისთანავე განახორციელოს შესყიდვის ობიექტის/ან მისი ნაწილის შეკეთება ან შეცვლა შემსყიდველის მხრიდან რაიმე

დამატებითი დანახარჯის გაწევის გარეშე.

3.7. პრეტენდენტმა უნდა წარმოადგინოს:

- ა) სატენდერო წინადადება, აგრეთვე ამ წინადადებასთან დაკავშირებული შემსყიდველს და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე
- ბ) პრეტენდენტის სატენდერო წინადადება უნდა შეიცავდეს შემდეგ ინფორმაციას:

-რეკვიზიტები:

-ხარჯთაღრიცხვა:

შენიშვნა: -ამ პუნქტის „ბ“ ქვეპუნქტით გათვალისწინებული ყველა ინფორმაცია წარმოადგენს პრეტენდენტის სატენდერო წინადადებას, რომელიც უნდა აიტვირთოს სახელმწიფო შესყიდვების ერთიან ელექტრონულ სისტემაში პრეტენდენტის მიერ სატენდერო წინადადების შეთავაზებისას.

4. სახელმწიფო შესყიდვის ხელშეკრულების პროექტი
/ხელშეკრულების პირობები დაზუსტდება გამარჯვებულ კომპანიასთან/
ხელშეკრულება №

სახელმწიფო შესყიდვის შესახებ

„სახელმწიფო შესყიდვების შესახებ“ საქართველოს კანონის და სატენდერო წინადადების საფუძველზე, ელექტრონული ტენდერის ჩატარების შედეგად

წინამდებარე ხელშეკრულება დადებულია „.....“ 2013 წ. თბილისი.

ერთის მხრივ, **სახელმწიფო აუდიტის სამსახური**, წარმოდგენილი მისი გენერალური აუდიტორის მოადგილის გიორგი ლაცაბიძის სახით (შემდგომში შემსყიდველი)

მისამართი: ქ. თბილისი, წმინდა ქეთევან დედოფლის (ყოფილი წამებულის) გამზირი №96

საიდენტიფიკაციო კოდი: 202051956

სახელმწიფო სახაზინო კოდი: 220101222 ა/ა 200122900

და მეორეს მხრივ, პრეტენდენტის (მისი დასახელება) მისი ხელმძღვანელის სახით (შემდგომში მიმწოდებელი),
მისამართი:

საიდენტიფიკაციო კოდი:

საბანკო რეკვიზიტები:

შორის

მუხლი 1. ხელშეკრულებაში გამოყენებულ ტერმინთა განმარტებები

1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ – კალენდარული დღე, კვირა, თვე.

1.4. „შემსყიდველი“ – ორგანიზაცია, რომელიც ახორციელებს შესყიდვას.

1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

მუხლი 2 ხელშეკრულების საგანი

2.1. ხელშეკრულებით გათვალისწინებული შესყიდვის ობიექტის აღწერა მოცემულია სატენდერო დოკუმენტაციაში.

2.2. პრეტენდენტის მიერ წარმოდგენილი სატენდერო წინადადება და სატენდერო წინადადებაზე თანდართული ყველა სხვა დოკუმენტი ქმნიან მოცემულ ხელშეკრულებას და ითვლებიან მის განუყოფელ ნაწილად, კერძოდ:

ა) წინამდებარე ხელშეკრულება;

ბ)

მუხლი 3. ხელშეკრულების ღირებულება

3.1. ხელშეკრულების ჯამური ღირებულება შეადგენს _____ ლარს.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს.

მუხლი 4. შესყიდვის ობიექტის მიწოდების ვადები და ადგილი

4.1. მიმწოდებელმა წინამდებარე ხელშეკრულებით გათვალისწინებული შესყიდვის ობიექტის მიწოდება უნდა განახორციელოს ხელშეკრულების გაფორმებიდან 5 კვირის ვადაში.

4.2. შესყიდვის ობიექტის მიწოდების ადგილია: ქ. თბილისი, წმინდა ქეთევან დედოფლის (ყოფილი ქეთევან წამებულის) გამზირი №96;

მუხლი 5. სამუშაოს ხარისხი და გარანტია

5.1. მიმწოდებელი იძლევა გარანტიას, რომ შესრულებული სამუშაო იქნება ხარისხიანი.

5.2. მიმწოდებელი ვალდებულია ამ ხელშეკრულებით განსაზღვრულ საგარანტიო ვადაში, შეტყობინების მიღებისთანავე განახორციელოს წუნდებული სამუშაოს შეცვლა შემსყიდველის მხრიდან რაიმე დამატებითი დანახარჯის გაწევის გარეშე.

5.3. მიმწოდებლის მიერ 5.2 პუნქტით გათვალისწინებული ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოშობილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება (თუ სამუშაოს საფასური უკვე გადახდილია) ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან (თუ მოსახურების საფასური გადახდილი არ არის).

მუხლი 6. ხელშეკრულების შესრულების კონტროლი

6.1. შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი (ინსპექტირება) მიმწოდებლის მიერ ნაკისრი ვალდებულებების შესრულებაზე, მათ შორის სამუშაოს შესრულების ხარისხის პერიოდული ინსპექტირება.

6.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 7. შესყიდვის ობიექტის მიღება-ჩაბარების წესი

7.1. შესყიდვის ობიექტის მიღება-ჩაბარება განხორციელდება, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

7.2. სამუშაო ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.

7.3. სამუშაოს მიღების შემდეგ ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით, გონივრულ ვადაში უზრუნველყოფს მიმწოდებელი.

7.4. შემსყიდველი ვალდებულია წუნდებული სამუშაოს გამოვლენის შემთხვევაში, დროულად აცნობოს მიმწოდებელს საბოლოო შემოწმების შედეგები დაწუნებული სამუშაოს წუნდების მიზეზის მითითებით.

მუხლი 8. ანგარიშსწორება

8.1. ანგარიშსწორება მიმწოდებელთან განხორციელდება მხოლოდ ხელშეკრულების ხარჯთაღრიცხვით გათვალისწინებული სამუშაოების საბოლოოდ და სრულად დასრულების შემდგომ 10 (ათი) სამუშაო დღის განმავლობაში, მიღება-ჩაბარების აქტის გაფორმების და ანგარიშფაქტურის წარდგენის საფუძველზე.

8.2. ანგარიშსწორება განხორციელდება უნაღდო ანგარიშსწორების ფორმით.

8.3. ანგარიშსწორება განხორციელდება ლარებში.

8.4. სახელმწიფო შესყიდვის დაფინანსების წყაროა: სახელმწიფო ბიუჯეტი;

8.5. საავანსო ანგარიშსწორება არ გამოიყენება.

მუხლი 9. ფასები

9.1. ხელშეკრულებაში განსაზღვრული ფასის ცვლილება დასაშვებია მხოლოდ საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში (დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10 %-ზე მეტი ოდენობით გაზრდა).

9.2. ფასების ცვლილების შესახებ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

მუხლი 10. ფორსმაჟორი

10.1. ამ ხელშეკრულებით დადგენილი პირობების რომელიმე მხარის მიერ შეუსრულებლობა არ განიხილება ხელშეკრულების პირობების დარღვევად, თუ შესრულების შეფერხება ან მისი ვალდებულებების შეუსრულებლობა არის ფორსმაჟორული გარემოებების შედეგი;

10.2. ამ ხელშეკრულების მიზნებისათვის ფორს-მაჟორი ნიშნავს, მხარეებისათვის გადაუღებელი და მათი კონტროლისაგან დამოუკიდებელ გარემოებებს, რომლებიც არ არიან მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით ან სხვა სტიქიური უბედურებით;

10.3. ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

მუხლი 11. მხარეთა უფლება-მოვალეობები.

11.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას ხელშეკრულებით გათვალისწინებული სამუშაო;

11.2. შემსყიდველი ვალდებულია გადაუხადოს მიმწოდებელს ხელშეკრულების ფასი ხელშეკრულებით გათვალისწინებული პირობების შესაბამისად;

11.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას შეასრულოს ხელშეკრულებით გათვალისწინებული სამუშაო;

11.4. მიმწოდებელს უფლება აქვს მხოლოდ ხელშეკრულების დანართით (ხარჯთაღრიცხვით) გათვალისწინებული სამუშაოს სრულად და სრულყოფილად შესრულების შემდგომ, სანაცვლოდ მიიღოს ხელშეკრულებით გათვალისწინებული საფასური.

მუხლი 12. მხარეთა პასუხისმგებლობა ხელშეკრულების პირობების შეუსრულებლობისათვის

12.1 მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი მთლიანი ან ნაწილობრივი ვალდებულებების შეუსრულებლობისთვის ან არაჯეროვნად შესრულებისთვის;

12.2 თუ ერთ-ერთი მხარე არ ასრულებს ან არაჯეროვნად ასრულებს ნაკისრ ვალდებულებას, მეორე მხარე წერილობითი ფორმით აფრთხილებს, რათა შეასრულოს ხელშეკრულების პირობები;

12.3 ხელშეკრულების ერთი მხარის მიერ ვალდებულებების კვლავ შეუსრულებლობის ან არაჯეროვნად შესრულების შემთხვევაში, მეორე მხარეს, შესაბამისი გაფრთხილების გაგზავნისა და დამატებით განსაზღვრული ვადის უშედეგოდ გასვლის შემდეგ, უფლება აქვს ცალმხრივად ვადამდე შეწყვიტოს ხელშეკრულება და მოითხოვოს პირგასამტეხლოს ანაზღაურება.

12.4 წინამდებარე ხელშეკრულების პირობების დარღვევის შემთხვევაში (ხარჯთაღრიცხვით გათვალისწინებული სამუშაოს არასრულად, დადგენილ ვადაში შეუსრულებლობის ან არაჯეროვნად შესრულების ან სხვა), მიმწოდებელი კისრულობს პასუხისმგებლობას: გადაუხადოს შემსყიდველს პირგასამტეხლო, მთლიანი სახელშეკრულებო თანხის 0.1% პროცენტის ოდენობით.

12.5 შემსყიდველი პასუხისმგებლობას კისრულობს, ხელშეკრულებით გათვალისწინებული ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს ვადაგადაცილებული თანხის 0.1 პროცენტი.

12.6 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

მუხლი 13. მხარეთა ურთიერთობა

13.1. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას;

13.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, ამ თარიღიდან რომელიც უფრო გვიან დგება.

მუხლი 14. გადასახადები და ბაჟები

მიმწოდებელი პასუხს აგებს შესყიდვის ობიექტის მოწოდებასთან დაკავშირებული ყველა იმ გადასახადის, დაბეგვრის თანხის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს კანონმდებლობით და საქართველოს ფარგლებში

მუხლი 15. ხელშეკრულების ძალაში შესვლა და მოქმედების ვადები

ხელშეკრულება ძალაში შედის მისი ხელმოწერის დღიდან და მოქმედებს 2013 წლის 31 დეკემბრის ჩათვლით.

მუხლი 16. ხელშეკრულებაში ცვლილებების შეტანა

16.1. არანაირი გადახრა ან ცვლილება ხელშეკრულების პირობებში არ დაიშვება ორივე მხარის მიერ

ხელმოწერილი წერილობითი შესწორების გარდა.

16.2. ხელშეკრულების პირობების ნებისმიერი ცვლილება უნდა გაფორმდეს დანართის სახით, რომელიც ჩაითვლება ხელშეკრულების განუყოფელ ნაწილად.

მუხლი 17. ხელშეკრულების შეწყვეტა

17.1. ხელშეკრულება შეიძლება შეწყდეს:

ა) მხარეთა წერილობითი შეთანხმებით;

ბ) ხელშეკრულების ვადის გასვლის გამო;

გ) მიმწოდებლის მიერ მომსახურების გაწევის ვადების 10 დღით დარღვევის შემთხვევაში (ცალმხრივად შეწყვეტის საფუძველი),

დ) შემსყიდველის მიერ, ხელშეკრულების შეწყვეტამდე 10 დღით ადრე, წერილობითი შეტყობინების საფუძველზე.

17.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

მუხლი 18. დავების განხილვის წესი)

მხარეები შეეცდებიან ურთიერთმოლაპარაკების საფუძველზე გადაჭრან წინამდებარე ხელშეკრულებით განსაზღვრული პირობების შესრულებასთან/დარღვევასთან დაკავშირებით წამოჭრილი დავები. შეთანხმების მიუღწევლობის შემთხვევაში, დავა განიხილება სასამართლოს მიერ საქართველოში მოქმედი კანონმდებლობის შესაბამისად.

მუხლი 19 დამატებითი პირობები

19.1. არც ერთ მხარეს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

19.2. შემსყიდველი უფლებამოსილია მომალის ეს ხელშეკრულება ცალმხრივად დადგენილი პირობებით, თუ მეორე მხარე ვერ უზრუნველყოფს ამ ხელშეკრულებით დადგენილ თავის ვალდებულებების ჯეროვან შესრულებას ან სხვა საქართველოში მოქმედი კანონმდებლობით გათვალისწინებულ შემთხვევაში.

19.3. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოში მოქმედი კანონმდებლობის შესაბამისად.

19.4. ხელშეკრულება შედგენილია ქართულ ენაზე, ორ თანაბარ იურიდიული ძალის მქონე ეგზემპლარად (ერთი ეგზემპლარი ინახება მიმწოდებელ მხარესთან, ხოლო მეორე შემსყიდველ მხარესთან)

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

მხარეთა ხელმოწერები:

შემსყიდველის მხრიდან:

მიმწოდებლის მხრიდან:

გიორგი ლაცაბიძე _____

გენერალური აუდიტორის მოადგილე

დირექტორი

ბ.ა.

ბ.ა.

რეკვიზიტები

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/ და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი ბანკის კოდი:

ანგარიშსწორების ანგარიში:

სატენდერო წინადადების მოქმედების ვადა:

სახელმწიფო შესყიდვების ერთიან ელექტრონულ სისტემაში წინადადებების მიღების დაწყებიდან არა ნაკლებ 30 კალენდარული დღე .

ვადასტურებთ, რომ გაცნობილნი ვართ „სახელმწიფო შესყიდვების შესახებ“ საქართველოს კანონს, სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესს“ და ტენდერის მსვლელობის დროს ვიმოქმედებთ დადგენილი წესების და ნორმების ფარგლებში.

ქ. თბილისში სახელმწიფო აუდიტის შენობის მოწყობის სამუშაოების
ხარჯთაღრიცხვა

(შევსების თარიღი)

N	სამუშაოს დასახელება	განზომილების ერთეული	რაოდენობა	მასალა		ხელფასი		ტრანსპორტი		ჯამი
				ერთ.	სულ	ერთ.	სულ	ერთ.	სულ	
1	საშვთა ბიუროს და შემოსასვლელის მოწყობა									
1,1	ალუმინის პროფილით ვიტრაჟული ტიპის ტიხრების მოწყობა	კვ.მ	20.00							
1,2	მინაზე სპეციალური-ორნამენტური ფირის (პლიონკა) გაკვერა	კვ.მ	15.00							
1,3	ალუმინის კარის მოწყობა	კვ.მ	5.90							
1,4	არსებული შემოსასვლელი კარის დემონტაჟი	კვ.მ	15							
1,5	მინის მბრუნავი კარის მოწყობა (ავტომატური; 4 ფრთიანი, დიამეტრი 3.00მ)	ცალი	2.00							
1,6	ლამინირებული „დსპ“-ს თეჯირის მოწყობა	კვ.მ	20.00							
1,7	თეჯირებთან ელ.წერტილების მოწყობა	ცალი	4.00							
1,8	კედლების შეღებვა ფასადური, უმაღლესი ხარისხის საღებავით	კვ.მ	245.00							
1,9	ჭერის შეღებვა უმაღლესი ხარისხის საღებავით	კვ.მ	265.00							
1,10	ფანჯრის რაფების მოწყობა ლამინირებული „დსპ“-მასალით	კვ.მ	8.00							
1,11	ლამინირებული „დსპ“-ს საყვავილეების მოწყობა ხელოვნური ყვავილებისთვის	კვ.მ	10.00							
2	სამღებვრო სამუშაოები IV სართულზე									
2,1	კედლების შეღებვა ფასადური, უმაღლესი ხარისხის საღებავით	კვ.მ	90							
2,2	ჭერის შეღებვა უმაღლესი ხარისხის საღებავით	კვ.მ	30							
3	სველი წერტილების მოწყობა I სართულზე									
3,1	სავინტილაციო, გამწოვი ქსელის მოწყობა 100მმ საკანალიზაციო მილით	გრ/მ	4							

3,2	სავინტილაციო გამწოვის მოწყობა-მონტაჟი	ცალი	2							
3,3	20მმ ცივი წყლის მილის მოწყობა	გრ/მ	10							
3,4	20მმ ცხელი წყლის მილის მოწყობა	გრ/მ	10							
3,5	არსებულ საკანალიზაციო მილებზე საწრეტის (ტრაპის) მოწყობა	ცალი	3							
3,6	კაფელის მოწყობა თაბაშირ მუყაოს ტიხრებზე წებოცემენტით საშხაპეში	კვ.მ	52							
3,7	მეტლახის მოწყობა არსებულ მოჭიმულ იატაკზე წებოცემენტით	კვ.მ	7							
3,8	ხელსაზანის მოწყობა (თეთრი, კერამიკის, 60 სმ სიგანის, სტანდარტულ ფეხიანი ნიჟარით)	ცალი	1							
3,9	ხელსაზანის შემრევის მოწყობა (მეტალის, თითბერით, ქრომირებული ზედაპირით,)	ცალი	1							
3,10	აბაზანის დუშის კომპლექტის მოწყობა შემრევით (ღერძი მეტალის, სასაპნით, შემრევი თითბერით, ქრომირებული ზედაპირით,)	ცალი	2							
3,11	წყლის ნაკადის ელ. გამაცხელებელი (არანაკლებ 9კვტ. გაცხელების 3 პოზიციით, ფაზა-ნოლი, დამიწებით)	ცალი	2							
3,12	მეტალოპლასტმასის კარის მოწყობა 2 ცალი	კვ.მ	2							
3,13	„მდფ“-ის კარადის მოწყობა მეტალის 6 საკიდი (ზომით 250X200X5მმ)	კვ.მ	15							
3,14	სარკის მოწყობა (ზომით 60 X70სმ)	ცალი	1							
4	შემოსასვლელებთან გადახურების და შეკიდული ჭერის მოწყობა									
4,1	შესასვლელების გადახურვაზე საცრემლეების მოწყობა (33მ)	კვ.მ	6.60							
4,2	თუნუქის სახურავის შეცვლა ახალი მასალით	კვ.მ	57.25							
4,3	ვერცხლისფერი, სარკისებრი, დიბონდის ფილებით შეკიდული ჭერის მოწყობა შესასვლელების გადახურვაზე	კვ.მ	57.25							

4,4	შეკიდული ჭერის სანათების მოწყობა (თითოეულის სიმძლავრე არანაკლებ 60 ვტ.)	ცალი	15.00							
5	არსებული მინის კარის შეცვლა ახლით მე-6 სართულზე (ნაწრობი მინისგან დამზადებული)	კვ.მ	2.00							
	ჯამი									
	ზედნადები ხარჯი	%								
	ჯამი									
	გეგმიური დაგროვება	%								
	ჯამი									
	ტრანსპორტის ხარჯი	%								
	ჯამი									
	დ ღ გ	18%								
	სულ									

(თანამდებობა,სახელი,გვარი)

(ხელმოწერა)

შენიშვნა:

- გამარჯვებულმა კომპანიამ, შემსყიდველის მოთხოვნის შესაბამისად, ვაჭრობის დამატებითი რაუნდების შედეგად დაფიქსირებული საბოლოო ფასის შესაბამისი (ასეთის არსებობის შემთხვევაში) ფასების ცხრილი უნდა წარმოადგინოს, ზემოაღნიშნული ფასების ცხრილის მიხედვით.